

ხელშეკრულება #217
სახელმწიფო შესყიდვის შესახებ

2018 წლის 24 დეკემბერი

ქ. თბილისი

ერთის მხრივ, შპს „ აღმოსავლეთ საქართველოს ფსიქიკური ჯანმრთელობის ცენტრი“ წარმოდგენილი გენერალური დირექტორის ავთანდილ ვანაძის სახით (შემდგომში წოდებული „შემსყიდველად“) საიდენტიფიკაციო კოდი: 243123455 და მეორეს მხრივ ინდ/მეწარმე გიორგი კუპრაძე ს/კ57001023945 შემდგომში წოდებული მიმწოდებლად „სახელმწიფო შესყიდვების შესახებ“ საქართველოს კანონის მე-3 მუხლი 1-ლი პუნქტის „ს“ ქვეპუნქტის და სახელმწიფო შესყიდვების სააგენტოს 2015 წლის 17 აგვისტოს ბრძანება #13 -ს მე-2 მუხლის „ა“ ქვეპუნქტის საფუძველზე გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს საბიუჯეტო (პროგრამული) დაფინანსების ფარგლებში შემსყიდველის მიერ დაგეგმილი (სურამის კლინიკის) კუთვნილი შენობისთვის საპროექტო მომსახურების CPV71331000, კერძოდ საევაკუაციო გეგმის შედგენის შესყიდვა.

2. ხელშეკრულების ღირებულება

2.1. ხელშეკრულების ღირებულება შეადგენს 350,00 (სამასორმოდ ათი ლარი და 00 თეთრი) ლარს.

2.2 ხელშეკრულების ღირებულება მოიცავს მიმწოდებლის მომსახურების გაწევისთვის საჭირო ყველა სხვა ხარჯს, მათ შორის შემსყიდველის ტერიტორიაზე მისვლის, საჭიროების შემთხვევაში სატელეფონო კავშირის და კანონმდებლობით გათვალისწინებულ ყველა გადასახადს.

3. ანგარიშსწორების წესი

3.1. შემსყიდველი იღებს ვალდებულებას, აუნაზღაუროს მიმწოდებელს ხელშეკრულებით განსაზღვრული შესყიდვის ობიექტის ღირებულება მხარეთა შორის გაფორმებული მიღება-ჩაბარების აქტის საფუძველზე, გაფორმებიდან 25(ოცდახუთი) სამუშაო დღის განმავლობაში.

3.2 ანგარიშსწორების ვალუტა – ლარი; გადახდის ფორმა – უნაღდო; ანგარიშსწორება მოხდება ერთიანად ან ეტაპობრივად.

3.3. მომსახურების გაწევის თარიღად ითვლება მიღება-ჩაბარების აქტზე ხელმოწერის თარიღი.

4. მომსახურების გაწევის ადგილი, ვადები და მიღება-ჩაბარების წესი

4.1. მომსახურების გაწევის ადგილია დაბა სურამი, რუსიას ქუჩა 12.

4.2 მიმწოდებელმა საევაკუაციო გეგმის პირველადი სახე უნდა წარმოადგინოს ნაბეჭდი ვერსია ლამინირების თანხლებით, ამასთან არაუგვიანეს 20 იანვრისა გეგმა წარმოდგენილი უნდა იქნას არსებული სტანდარტების შესაბამისი ფორმით

4.3. გეგმის პირველადი (ლამინირებული) სახით წარმოდგენა უნდა მოხცხდეს ხელშეკრულების გაფორმებიდან არაუგვიანეს 3 (სამი) სამუშაო დღის ვადაში.

4.4. შესყიდვის ობიექტის მიღება დასტურდება ერთიანად ან ეტაპობრივად, მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს შპს „აღმოსავლეთ საქართველოს ფსიქიკური ჯანმრთელობის ცენტრის“ სურამის კლინიკის ადმინისტრაციის უფროსს მირიან მაღლაკელიძეს.

4,3

5. მხარეთა მოვალეობები

5.1. მიმწოდებელი ვალდებულია:

5.1.1. მიმწოდებელი ვალდებულია გაუწიოს შემსყიდველს უნაკლო მომსახურება.

5.1.2 პროექტის შედგენისას გათვალისწინებული უნდა იყოს შესაბამის სფეროში არსებული სტანდარტები.

5.1.3. თუკი ხელშეკრულების პირველი მუხლით გათვალისწინებულ მომსახურებას აღმოაჩნდება რაიმე ნაკლი ან იქნება არსებულ სტანდარტებთან შეუსაბამო, “მიმწოდებელი“ ვალდებულია, შემსყიდველის მოთხოვნისთანავე გამოასწოროს ეს ნაკლი/ხარისხი და შეცვალოს თავისი ხარჯით ან აუნაზღაუროს შემსყიდველს უხარისხობით მიყენებული ზიანი და/ან ზარალი. ასევე თუკი სამუშაოთა დასრულების შემდეგ ხარჯთაღრიცხვასთან დაკავშირებით საჭირო გახდება გარკვეული საკითხების

დაზუსტება/ დაკონკრეტება, მიმწოდებელი ვალდებულია მიაწოდოს შემსყიდველს აღნიშნული ინფორმაცია წერილობითი და/ან ზეპირსიტყვიერი შეტყობინების სახით დამატებითი ღირებულების მოთხოვნის გარეშე.

5.2. მიმწოდებელი უფლებამოსილია:

5.2.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

5.3. შემსყიდველი ვალდებულია:

5.3.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

5.3.2. უზრუნველყოს შესყიდვის საგნის მიღება.

5.4. შემსყიდველი უფლებამოსილია:

5.4.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯგეროვანი შესრულება.

6. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2019 წლის 28 თებერვლის ჩათვლით.

7. ხელშეკრულების ინსპექტირება

7.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8. ხელშეკრულების შეწყვეტა

8.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

8.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლისას შემსყიდველი უფლებამოსილია ხელშეკრულებით ნაკისრი ვალდებულების შეუსრულებლობის გამო დააკისროს მიმწოდებელს პირგასამტეხლოს გადახდა ხელშეკრულების ღირებულების 10%-ის ოდენობით.

9.5. რომელიმე მხარის მიერ წინამდებარე ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტეხლო შეუსრულებელი ვალდებულების 0,1%-ის ოდენობით ყოველ ვადა გადაცილებულ დღეზე.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყოს ამ ხელშეკრულებით ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობის თანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2 ამ ხელშეკრულების 11.1. პუნქტით განსაზღვრულ შემთხვევაში შეიძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 11.1, 11.2. და 11.3. პუნქტებით განსაზღვრული შემთხვევებისა.

12. ხელშეკრულებაში ცვლილებებისა და დამატებების შეტანის წესი

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

12.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

15.1. მხარეები არსებითად ეთანხმებიან ხელშეკრულების პირობებს და ყოველივე ზემო თქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღესა და წელს.

15.2. ხელშეკრულება შედგენილია ქართულ ენაზე სამი თანაბარი იურიდიული ძალის მქონე ეგზემპლარად, რომელთაგან ორი გადაეცემა შემსყიდველს, ხოლო ერთი – მიმწოდებელს).

მხარეთა რეკვიზიტები:

შემსყიდველი

შპს „აღმოსავლეთ საქართველოს
ფსიქიკური ჯანმრთელობის ცენტრი“
ს/კოდი: 243123455
იურ. მის.: ქ. თბილისი, ნუცუბიძეს
148
ტელ.: +995 599136864;
ელ.ფოსტა ps.hosp@gmail.com
ბანკი: ს.ს. „საქართველოს ბანკი“;
ბანკის კოდი: BAGAGE22;
ა/ა GE02BG0000000267299600;

გენერალური დირექტორი
ავთანდილ ვანაძე



მიმწოდებელი

ინდ/მეწარმე გიორგი კუპრაძე
ს/კოდი: 57001023945
მის: ქ. თბილისი.

ტელეფონი

ს.ს. „საქართველოს ბანკი“;
ბანკის კოდი: BAGAGE22;
ა/ა GE67BG000000014401500

ინდ/მეწარმე
გიორგი კუპრაძე



ხელწერილი
ინტერესთა კონფლიქტის არარსებობის შესახებ

ქ.თბილისი

„ 24 დეკემბერი , 2018 წელი

„სახელმწიფო შესყიდვების შესახებ“ საქართველოს კანონის მე-8 მუხლის თანახმად, შპს „ადმოსავლეთ საქართველოს ფსიქიკური ჯანმრთელობის ცენტრის“ გენერალური დირექტორი ავთანდილ ვანაძე და სურამის კლინიკის ადმინისტრაციის უფროსი მირიან მაღლაკელიძე ხელმოწერით ვადასტურებთ, რომ არ ვიმყოფებით ინტერესთა კონფლიქტში სახელმწიფო შესყიდვის შესახებ ხელშეკრულების #217 მიმწოდებელთან ინდ/მეწარმე „გიორგი კუპრაძესთან“.

გენერალური დირექტორი:

ავთანდილ ვანაძე



სურამის კლინიკის ადმინისტრაციის

უფროსი

მირიან მაღლაკელიძე



ქ. თბილისი

„26“ დეკემბერი 2018 წელი

ჩვენ ქვემოთ ხელის მომწერნი, ერთის მხრივ, შპს „აღმოსავლეთ საქართველოს ფსიქიკური ჯანმრთელობის ცენტრი“ ს/კ243123455, წარმოდგენელი სურამის კლინიკის ადმინისტრაციის უფროსის მირიან მალააკელიძესაბით (შემდგომში „შემსყიდველი“), და მეორეს მხრივ ინდ/მეწარმე გიორგი კუპრაძე ს/კ 57001023945 (შემდგომში „მიმწოდებელი“) ვადასტურებთ, რომ მხარეთა შორის გაფორმებული ხელშეკრულების (#217, 24/12/2018) პირობების თანახმად ”მიმწოდებელმა” ”შემსყიდველს” მიაწოდა ზემოაღნიშნული ხელშეკრულებით გათვალისწინებული შესყიდვის ობიექტი, კერძოდ საევაკუაციო გეგმა ნაბეჭდი (ლამინირებული) სახით.

სახელშეკრულებო ღირებულება შეადგენს --350,00 (სამასორმოდგაათი ლარი და 00 თეთრი) ლარს;

გაწეული მომსახურების ღირებულება შეადგენს -350,00 (სამასორმოდგაათი ლარი და 00 თეთრი) ლარს.

“მიმწოდებელმა” მიაწოდა, „შემსყიდველმა“ ჩაიბარა და მხარეებს ერთმანეთის მიმართ პრეტენზიები არ გააჩნიათ.

„შემსყიდველი“

შპს „აღმოსავლეთ საქართველოს ფსიქიკური

ჯანმრთელობის ცენტრი“

სურამის კლინიკის ადმინისტრაციის უფროსი

მ. მაგლაკელიძე



“მიმწოდებელი”

ინდ*/მეწარმე

გ. კუპრაძე

